

ԴՐԱՄԱՇՆՈՐՀԱՅԻՆ ՀԱՇՎԵՏՎՈՒԹՅՈՒՆ N4

1. Ընդհանուր տեղեկատվություն

Ծրագրի անվանում	«Տարեց և (կամ) հաշմանդամություն ունեցող անձանց խնամքի տրամադրում ցերեկային կենտրոնում»
Դրամաշնորհի N	ԱՍՀՆ-ԴՄ-ՑԿՏԾ-23/5-1
Դրամաշնորհատու կազմակերպություն	ՀՀ ԱՍՀՆ
Դրամաշնորհառու կազմակերպություն	«Տարեցների առողջության և խնամքի ապահովման ասոցիացիա» ՀԿ
Ծրագրի իրականացման ժամանակահատված	01.01.2023- 31.12.2023
Հաշվետու ժամանակահատված	01.10.2023-25.12.2023
Ներկայացման օր	25.12.2023
Հաշվետվության պատասխանատու (անուն, ազգանուն, պաշտոն)	Արթուր Թորոսյան, նախագահ

2. Բովանդակային հաշվետվություն

2.1. Խնդրում ենք թվարկել աշխատանքային պլանով և պայմանագրի թիվ 1 հավելվածով սահմանված միջոցառումների (այսուհետ՝ միջոցառում) շրջանակում կատարման ենթակա գործողությունները հաշվետու ժամանակահատվածի համար:

<p>Հաշվետու ժամանակահատվածում աշխատանքային պլանով և հավելված 1-ով նախատեսված է եղել կատարել հետևյալ գործողությունները՝</p> <ol style="list-style-type: none"> 1. Ակտիվ ժամանցի և զբաղվածության ապահովում 2. Շարունակական կրթություն և ինքնուրույնության խթանում 3. Գլխուղեղի առողջության խթանում և պահպանում 4. Գնահատում և ամփոփում
--

2.2. Խնդրում ենք նկարագրել ծրագրի առաջընթացն՝ ըստ սահմանված աշխատանքային պլանի (Գանտի աղյուսակ) և միջոցառումների, նշելով՝ Ձեր կողմից իրականացված գործողությունները և ստացված արդյունքները հաշվետու ժամանակահատվածի համար: Որքանով են նշված գործողությունները նպաստել տվյալ ծրագրի խնդիրների/նպատակի իրականացմանը:

<p>Հաշվետու ժամանակահատվածում ցերեկային կենտրոնի ծառայությունից օգտվել է 37 այցելու, որոնցից 24-ը՝ ՄՄԾ ուղեգրով՝ Երևանի տարբեր համայնքներից: Այցելուները կենտրոն են հաճախել շաբաթական հինգ օր՝ 2-5 ժամ տևողությամբ, մի շաբթ այցելուների դեպքում՝ ավելի երկար: Յուրաքանչյուր օրվա ընթացքում կազմակերպվել է սննդային ընդմիջում՝ թեյ, սուրճ, թխվածքաբլիթ: Այցելուների հետ աշխատանքն արտացոլվել է հետևյալ երեք հիմնական ուղղություններում՝ ա. ակտիվ ժամանցի և զբաղվածության ապահովում, բ. շարունակական կրթություն և ինքնուրույնության խթանում, գ. գլխուղեղի առողջության խթանում և պահպանում:</p> <p>Շաբաթական մեկական անգամ գործել է անգլերենի ակումբը, շախմատի ակումբը, ֆիլմասերների ակումբը, ասեղնագործության խմբակը, կարպետագործության խմբակը, թաղիքագործության խմբակը, երգի և պարի խմբակը, որոնց այցելուները մասնակցել են ըստ իրենց հետաքրքրության: Շաբաթական 1 անգամ կազմակերպվել է արտթերապևտիկ և հոգեբանական խմբային աշխատանք՝ ուղղված տարաբնույթ խնդիրների հաղթահարմանը:</p> <p>Յուրաքանչյուր օր կազմակերպվել է ֆիզիկական և գլխուղեղի առողջության խթանման հանդիպումներ՝ նախատեսված 3 անգամի փոխարեն, իրականացվել է 8 էքսկուրսիա: Այցելուների շարունակական կրթության և իրազեկման նպատակով կազմակերպվել է 6 սեմինար՝ առողջության, իրավունքի,</p>
--

հոգեբանության ոլորտներին առնչվող թեմաներով: Կենտրոնի առօրյան, սակայն, չի սահմանափակվել միայն վերոնշյալ միջոցառումներով. կազմակերպվել են նաև մշակութային ճանաչմանը նպաստող հանդիպումներ թանգարաններում, պատկերասրահներում և հանրային այլ վայրերում: Խթանվել է կապը Մ.Գալշոյանի անվ. հիմնական դպրոցի հետ՝ աշակերտներին պարբերաբար հյուրընկալելով կենտրոնում և ներգրավելով տարատեսակ ծրագրերում:

Ամիսը մեկ անգամ կազմակերպվել է «Ուտիս տատի խոհանոցից» խորագիրը կրող խոհանոցային օր, որի ընթացքում այցելուները համատեղ պատրաստել են ազգային որևէ ուտեստ, ինչն արդեն ավանդույթ է դարձել Կենտրոնում՝ նպաստելով մշակութային ճանաչմանը, հարաբերությունների բարելավմանը, ազգային խոհանոցի հին բաղադրատոմսերի վերհանմանը: Կենտրոնում զբաղմունքների բազմազանությունն ապահովվել է նաև 15-ից ավել տեղացի և արտասահմանցի կամավորների օգնությամբ:

Իրականացվել է հարցում կենտրոնի ծառայությունների ու դրանց որակի վերաբերյալ: Բացառապես բոլոր այցելուները գոհունակություն են հայտնել ծրագրից, որոշ առաջարկներ արել ծառայությունների ընդլայնման, խմբակների տեսակների ավելացման վերաբերյալ, որոնք հաշվի կառնվեն ռեսուրսներ հայթայթելիս: Իրականացվել է ծրագրի արդյունավետության և ընդհանուր վիճակի վերջնական գնահատում, որի արդյունքները, ինչպես նաև աշխատող մասնագետների դիտարկումները ցույց են տվել, որ էապես բարելավվել է այցելուների հոգեկան առողջությունը, նվազել է դեպրեսիան, բարելավվել են միջանձնային հարաբերությունները, խթանվել է ֆիզիկական ակտիվությունը, շարունակական կրթության ծրագրերով նոր հմտություն է յուրացրել 35 այցելու՝ մասնակցելով ասեղնագործության, կարպետագործության, թաղիքագործության, կարի դասերի:

Ցերեկային կենտրոնի մի քանի այցելու ակտիվորեն ներգրավված է եղել «Տարեցների կրեատիվության լաբորատորիա» սոցիալական ձեռնարկատիրության աշխատանքներում՝ օգնելով կարելու, ձևելու, ասեղնագործելու հարցերում:

Խնդրում ենք նշել հաշվետու ժամանակահատվածում մշակված նյութերի համացանցում տեղադրված հղումները՝ առկայության դեպքում (օրենսդրական առաջարկություններ, համառոտագրեր, հաշվետվություններ, մեդիա պրոդուկտներ և այլն)

Ցերեկային կենտրոնի առօրյան լուսաբանվում է Ասոցիացիայի ֆեյսբուքյան էջում (<https://www.facebook.com/ahaop>) և կայքում (www.gerontology.am):

2.3. Խնդրում ենք ներկայացնել հաշվետու ժամանակահատվածում քաղած դասերը և/կամ ծագած խնդիրները, որոնք խոչընդոտել են ծրագրի գործողությունների իրականացմանը:

Ծրագրի գործողությունների իրականացմանը խոչընդոտող խնդիրներ չեն ծագել հաշվետու ժամանակահատվածում:

2.4. Խնդրում ենք թվարկել հաջորդ հաշվետու ժամանակահատվածի համար նախատեսված գործողությունները (կցելով նաև շահառուների ցուցակը):

2.5. Խնդրում ենք նշել, Ձեր կողմից իրականացված այն գործողությունները, որոնք նախատեսված չեն եղել ծրագրի աշխատանքային պլանով, բայց իրականացվել են ծրագրի նպատակին հասնելու համար:

Կ Ա Տ Ա Ր Ո Ղ

«Տարեցների առողջության և խնամքի
ապահովման ասոցիացիա» հասարակական
կազմակերպություն
Նախագահ՝ Ա. Թորոսյան

(ստորագրություն)